

燈科格三界科保馬科並出於太上玄言究
微插實自然成章靈音肅咏以為浩劫津
梁所謂閉門造車者不計其歲月矣外有靈
濟醮科本願儀文七政燈科自非敢以為已
功從民請也臣性識疎愚為言輕賤考事察
能詮補職任躋進仙階今欲望聖慈允俞所
奏再將臣徐知益等所撰科典翻行三界合
屬去處各請遵稟照驗施行不惟顯靈濟濟
度之功亦足以張吾軍而慰民心之所望也
伏候
指揮

洪恩靈濟真君事實

羅天大醮早朝科朝科

各禮師存念如法

壹

青陽虛映 曜日回靈 神虎辟邪 飛天流鈴
摧奸滅試 萬魔束形 九微回道 八威攝精
千真校錄 三元蕩清 左嘯中黃 右策六丁
七轉八合 周旋天經 聖化巍巍 三道順行
慶雲流布 合景黃庭

鳴法鼓二十四道

無上三天玄元始三炁太上老君召出日身
中三五功曹左右官使者左右捧香金童傳
言散花玉女五帝真符直日香官各三十六
人出出者嚴裝顯服冠帶垂纓開啓玄壇土
地方域神真且今早朝陞壇行道朝謁
帝真謹奏為入意其諸誠意具載誠願得
太上至真道系靈寶瑞光下降流入日等身
中今日所啓之誠速達徑御
至真無極大道
三清上聖
昊天至尊金闕玉皇上帝神前

請稱法位

具位 與臨壇官衆等謹同誠上啓

虛無自然元始天尊元極大道太上玉皇太
上老君高上玉皇十方已得道大聖水至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上傳上保太
平下教二十四真人西城總真玉皇太乙真
人東嶽上卿司命茅君定錄保命二具人名
山洞府得道神仙三界官屬一切真靈恭望
洪慈洞回昭格

伏念日久處法門未明玄奧持戒律幸保
替蒙思進道以怡神膺修陽德普度人而救
物庶積陰功凡有請祈宜容抑塞意有所出
情動于中齊官心詞謹當宣奏

宣詞

具如詞言灼見誠心冒瀆玄慈益深祇畏
且聞三炁純精五行麗質清濁混成之始先
物肇形圓方分判之初合章發秀靈氣交錯
非霧非煙靈薄浮羅或隱或現靈風振激抑

揚流空洞之音妙氣陶鎔宛轉結飛玄之字
我太上留神於造化命皇人按筆以奉傳以
五靈所蘊者為五方之文以八會所鍾者為
八天之篆黃籙白簡赤書玉篇所以合景霄
宵範圍太極聲乎不有開化人天隱於無言

質成動植雖九壇之妙範儀矩不同而三錄
之玄科名實一致今齋官某福緣素厚信著
於情命祿方剛財周於用委誠心而皈命伸
志願以祈恩信幣具陳靈場肅備令也空歌
奏響祥開碧落之天洞戶飄香瑞霧黎元之
蓋九節導飛空之駕三華浮步景之壇入靜
朝元真光洞徹乘時觀妙內景發輝感格信
誠昭彰福善以今清旦行道請法泉等運茲
初捨上香

願此香煙騰空徑上

三清之境臣等皈身皈神皈命首體投地仰
依

太上三尊以是捨香功德上祝

當今皇帝伏願懋膺景命遐保丕圖不露不
崩隆壽山而永峻時萬時億注福海以深深

如日之升九有之山河盡照猶天之覆四時
之風雨無愆民樂昇平物無疵癘今故燒香
自皈依道尊大聖眾至真之德得道之後保
天長存
以今清旦行道請法泉等運茲二捨上香

願此香煙騰空徑上

三清之境臣等皈身皈神皈命首體投地仰
依

太上三尊以是捨香功德伏為齋官祖爾姻
親先亡眷屬伏願瞻啓明之星彩出離泉高
聞碧落之空歌回翔天際罪落黑書之字名
標玉簡之科脫迹苦緣生神樂土九陽道岸
披拂仙風八景真階瞻依玉相今故燒香自
皈依

經尊大聖眾至真之德得道之後昇入無形

以今清旦行道請法泉等運茲三捨上香
願此香煙騰空徑上

三清之境臣等皈身皈神皈命首體投地仰
依

太上三尊以是捨香功德奉為齋官其一門

香屬伏願輝華瑞日照徹身官和煦晨風開
榮命宇百關調暢保四大以無虞一炁安蛇
與五神而共理德行流馨於蘭蕙年齡比茂
於椿松百福駢臻千愆永釋今故燒香自皈
依

師尊大聖眾至真之德得道之後與道合真

唱方

懺悔

命魔

三啓頌

三禮

重稱法位

具位 與臨壇官眾等謹同誠上啓

三境至尊十方上聖玉京金闕天帝天真十
方師尊聖眾三界官屬一切感靈

臣聞感者於誠要歸乎道情敷於信能格乎
天由其始之有經則必終然見效臣等慚非

明俊課處玄虛久服訓辭殊無識度約性天
而昧於恍惚憫世態而感於紛華無奈自迷
固難獨立幸寅緣之有素得奉經科雖龜勉

而昧於恍惚憫世態而感於紛華無奈自迷
固難獨立幸寅緣之有素得奉經科雖龜勉

固難獨立幸寅緣之有素得奉經科雖龜勉

之不辭奚逃鬼伏念齋官奉天祗戒事
帝推誠思神念真收規反聽仰仙風而不速
存道妙以惟勤美啓薰修奉嚴齋醮誦經行
道燒香散花瞻寶座於瑤臺祥煙絢彩想圓
明於法座瑞日騰輝將以感格上元交道無
間首懃謝罪保命延生開濟苦輪資崇善果
伏惟璇霄至聖絳闕高真羽衛森羅編周於
下土旌幢掩映洞煥於太空雅韻奏而上徹
三天闡靈音而該通八極啓幽冥之苦趣滋
動植之生源拯拔有情提携未度上願
皇圖卜世地久天長臣子宣勤雲行雨施無
一夫之失所與萬物以為春四海均麻五兵
不試俾齋官某茂膺景貺常沐
真風官質隨日以高遷壽算與天而齊久家
用叶時和而保漢德星臨命宇以光輝道悉
陶鎔神垣湛徹百靈保衛萬聖巨扶眷屬允
諧親姻叶又九玄七祖憑妙利以飛昇五苦
三塗沐良因而開泰一誠所感百惡自消萬
善雲臻千祥福集上明
天尊大慈之澤下副臣等皈命之誠謹啓以

聞

發願

- 一願靈光下燭
 - 二願道月揚輝
 - 三願恩宣九地
 - 四願誠達九天
 - 五願真靈俱會
 - 六願道悉周圍
 - 七願天堂開敞
 - 八願地獄隳摧
 - 九願玄功普被
 - 十願駕景空飛
 - 十一願普天懷德
 - 十二願道化無為
- 復爐
存神燒香
- 香官使者左右龍虎君侍香諸靈官當令臣
向來早朝陞壇行道之所自然生金液丹碧
芝英百靈眾真交會在此香火爐前當願十
方仙童玉女接待陶延傳臣向來所奏之誠
速達徑上
- 至真無極大道
三清上聖
昊天至尊金闕玉皇上帝御前

羅天大醮早朝科

羅天大醮午朝科

各禮師存念如法

丹靈朱火 炎霞激風 赤輪剛運 天光八街
逆威包羅 交慶萬方 流金豁落 群魔滅蹤
辟奸破妖 明耀元功 金符召制 躡雲策龍
誦歌慶會 散花太空 神化冥運 四極安隆
伏御帝前 罔有不恭

鳴法鼓二十四通

無上三天玄元始三炁太上老君召出臣身
中三五功曹左右官使者左右捧香金童傳
言散花玉女五帝直符直日香官各三十六
人出出者嚴裝顯服冠帶垂纓開啓玄壇土
地方域神真且今午朝陞壇行道朝謁
帝真魂奏為入意其諸誠意具載絨勝願得
太上至真道悉靈寶瑞光下降流入臣身中
今日所啓之誠速達徑御

至真無極大道
三清上聖
昊天至尊金闕玉皇上帝御前

請稱法位